

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KTPO 0046459 21
Zenica, 22.02.2023. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, p o d i ž e m

O P T U Ž N I C U

Protiv,

1. ČABARAVDIĆ HAMDİJE, rođen 1975. godine u Zenici, *osuđivan*

2. HADROVIĆ MAKSIDE, rođena 1982. godine u Tuzli, *neosuđivana*,

Što su,

I Čabaravdić Hamdija, sam,

U vremenskom periodu od 01.09.2016. do 30.06.2017. godine na području grada Zenica, u svojstvu službene osobe na poziciji direktora Javne ustanove „Medicinska škola“ u Zenici, iskoristio svoj službeni položaj i ovlašćenja, propisanih članom 135. Zakona o srednjoj školi (Sl. novine ZDK broj: 5/04) i člana 188. Pravila Medicinske škole iz 2014. godine, a članovima 2., 7. i 8. Pravilnika o radu Javne ustanove „Medicinska škola“ u Zenici, broj: 01-226/2010 od 17.05.2010. godine je, između ostalog, propisano da zaključivanjem Ugovora o radu između škole i zaposlenika zasniva se radni odnos u školi i da je Ugovor o radu zaključen kada ga potpišu direktor škole i zaposlenik i da se Ugovor o radu zaključuje na određeno i na neodređeno vrijeme, te da kandidati za zasnivanje radnog odnosa u školi moraju ispunjavati posebne uvjete propisa Zakonom o srednjoj školi (Sl. novine ZDK broj: 5/2004), znajući sve navedeno, postupio je suprotno odredbama člana 144. Pravila medicinske škole u Zenici gdje je propisano da se nastavnici, stručni saradnici i saradnici biraju na osnovu konkursa, uz saglasnost Ministarstva, i članu 17. Pravilnika o radu koji propisuje da se nastavnici, stručni saradnici i saradnici u nastavi biraju na osnovu javnog konkursa koji na prijedlog direktora škole raspisuje školski odbor uz prethodnu pribavljenu saglasnost Ministarstva, dok je članom 21. istog Pravilnika propisano da školski odbor nakon provedene procedure po objavljenom konkursu vrši izbor nastavnika, stručnih saradnika i saradnika, a članom 23. je propisano da izbor ostalih zaposlenika vrši direktor škole uz poštivanje modela kriterija o načinu bodovanja kandidata prilikom zasnivanja radnog odnosa, iako je bio svjestan svega naprijed navedenog, pa u namjeri da pribavi korist Hadrović

Maksidi u vidu imovinske koristi i zaposlenja na određeno radno vrijeme bez provedene konkursne procedure donio Odluku o prijemu u radni odnos broj 01-753/16 od 31.08.2016. godine Hadrović Makside u JU „Medicinska škola“ Zenica na radno mjesto „Bibliotekar škole“ na određeno vrijeme počev od 01.09.2016. godine pa do okončanja konkursne procedure a najduže do 31.10.2016. godine, a zatim na osnovu te odluke zaključio Ugovor o radu na određeno vrijeme broj 1-754/16 od 31.08.2016. godine navodeći ime zaposlenika Hadrović Makside, ponavljajući to još četiri puta donoseći Odluku o prijemu u radni odnos Hadrović Makside broj 01-939/16 od 31.10.2016. godine; broj 01-1003/16 od 23.12.2016. godine; broj 01-114/17 od 28.02.2017. godine; broj 01-206/17 od 28.04.2017. godine; te na osnovu takvih odluka zaključivao Ugovore o radu na određeno vrijeme broj 01-940/16 od 31.10.2016. godine; broj 01-1004/16 od 21.12.2016. godine; broj 01-115/17 od 28.02.2017. godine; broj 01-207/17 od 28.04.2017. godine, sve za radno mjesto „Bibliotekar škole“ na određeno vrijeme, te donio Odluku broj 01-336/17 od 14.06.2017. godine da Hadrović Maksidi prestaje radni odnos sa 30.06.2017. godine, a isti je znao i bio svjestan da Hadrović Maksida po donesenim odlukama i zaključenim ugovorima o radu nikada nije dolazila na posao, niti radila Javnoj ustanovi „Medicinska škola“ u Zenici na poslovima „Bibliotekara škole“, jer su na tim poslovima radili drugi uposlenici, a koji su bili u radnom odnosu na neodređeno vrijeme, te je istoj za period 01.09.2016. do 30.06.2017. godine ukupno isplaćena plata u iznosu od 6.678,14 KM, doprinosa u iznosu od 3.183,93 KM, porez na dohodak u iznosu od 408,69 KM, na ime toplog obroka isplaćeno u iznosu od 1.261,60 KM što ukupno iznosi 11.532,36 KM i tako Hadrović Maksidi pribavio protupravnu imovinsku korist u navedenom iznosu, za koji iznos od 11.532,36 KM je oštetiio budžet Ze-do kantona, što je i htio,

II HADROVIĆ MAKSIDA, sama,

U periodu od jula 2020. godine do jula 2022. godine, na području grada Zenice, upotrijebila lažnu javnu ispravu kao pravu, tako što je prilikom prijavljivanja na raspisane javne konkurse za prijem u radni odnos na određeno vrijeme u Javnoj ustanovi „Medicinska škola“ u Zenici, i to na raspisani konkurs u listu „Naša riječ“ od 28.07.2020. godine, na raspisani konkurs u listu „Naša riječ“ od 03.08.2021. godine i na raspisani konkurs u listu „Naša riječ“ od 28.07.2022. godine, uz prijave na konkurs prilagala uvjerenja o podacima registrovanim u matičnoj evidenciji izdato od strane Federalni Zavod PIO/MIO, Kantonalne administrativne službe Zenica u kojem je naznačeno da ima staž osiguranja u JU „Medicinska škola“ Zenica u periodu od 01.09.2016. godine pa do 30.06.2017. godine, iako je znala i bila svjesna da nije radila, niti obavljala poslove u Javnoj ustanovi „Medicinska škola“ u Zenici u periodu od 01.09.2016. do 30.06.2017. godine, jer se radilo o zaključivanju fiktivnih ugovora o radu na određeno vrijeme za poslove „Bibliotekara škole“ za navedeni period, a sve s ciljem da se po osnovu takvog stečenog lažnog radnog staža izvrši bodovanje po tom osnovu, a po raspisanim konkursima za prijem u radni odnos, što je i htjela,

čime su počinili, i to:

Čabaravdić Hamdija, krivično djelo zloupotreba položaja ili ovlaštenja iz člana 383. stav 2. KZ F BiH, a **Hadrović Maksida** produženo krivično djelo krivotvorenja isprave iz člana 373. stav 2. KZ F BiH.